



Broj:

Sarajevo, 28.12.2020. godine

BOSNA I HERCEGOVINA		
PARLAMENTARNA SKUPŠTINA BOSNE I HERCEGOVINE		
SARAJEVO		
DB P. 2020		
Klasifikacioni oznaka	Kodni broj	Broj priloga
01-50-1-15	-2517	20

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM

n/r predsjedavajuće, gđe. Borjane Krišto

Na osnovu člana 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 26/20), podnosim

ПОСЛАНИЧКУ ИНИЦИЈАТИВУ

Predlažem da Predstavnički dom PS BiH u skladu sa članom 29. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 26/20) imenuje Privremenu komisiju za izradu Prijedloga Amandmana na Ustav Bosne i Hercegovine i Prijedloga Zakona o izmjenama i dopunama Izbornog zakona Bosne i Hercegovine radi usklađivanja sa presudama Evropskog suda za ljudska prava u predmetima Sejdić i Finci, Pilav, Zornić, Šlaku, i Pudarić protiv Bosne i Hercegovine i presudama Ustavnog suda Bosne i Hercegovine koje se odnose na Izborni zakon Bosne i Hercegovine.

Komisiju bi sačinjavao određeni broj poslanika Predstavničkog doma, tri predstavnika Vijeća ministara, tri člana Centralne izborne komisije Bosne i Hercegovine, tri člana Venecijanske komisije ispred Bosne i Hercegovine i tri redovna profesora Ustavnog prava sa Pravnih fakulteta u Sarajevu, Banja Luci i Mostaru.

Zadatak Komisije je da u odgovarajućem roku, ne dužem od 6 mjeseci, izradi Prijedlog Amandmana na Ustav Bosne i Hercegovine i Prijedlog Zakona o izmjenama i dopunama Izbornog zakona Bosne i Hercegovine koje će dostaviti Predstavničkom domu PS BiH radi usvajanja u zakonodavnoj proceduri.

Образложење

Bosna i Hercegovina, kao članica Vijeća Evrope i država koja je ratificirala Evropsku konvenciju o ljudskim pravima i temeljnim slobodama, obavezna je da provodi presude Evropskog suda za ljudska prava iz Strazbura. Za izvršenje presuda je, u skladu sa Konvencijom, nadležan Komitet ministara Vijeća Evrope koji redovno u svojim izvještajima obavještava Parlamentarnu skupštinu Vijeća Evrope o problemima u izvršenju presuda od strane članica Konvencija. Bosna i Hercegovina već 11 godina ne ispunjava svoju obavezu da

izvrši presudu u predmetu Sejdić i Finci protiv Bosne i Hercegovine, što se redovno navodi u izvještajima Komiteta ministara i od članova BH delegacije u Parlamentarnoj skupštini Vijeća Evrope se traži odgovarajuće objašnjenje. Neizvršenje presude Sejdić i Finci dovodi do novih kršenja prava iz Konvencije i do donošenja niza novih presuda Suda u Strazburu protiv Bosne i Hercegovine.

Ova obaveza je navedena i kao jedan od 14 ključnih prioriteta Evropske komisije koji su navedeni u Mišljenju po zahtjevu Bosne i Hercegovine za članstvo u Evropskoj Uniji.

Da bi ispoštovala presude Evropskog suda za ljudska prava Bosna i Hercegovina mora promijeniti Ustav u dijelu koji je protivan članu 14. Evropske konvencije o ljudskim pravima u vezi sa članom 3. Protokola 1. i članom 1. Protokola 12. uz Evropsku konvenciju o ljudskim pravima i temeljnim slobodama.

Obaveza promjene Ustava je potvrđena i Odlukom Ustavnog suda Bosne i Hercegovine broj: U 14/12 iz koje, između ostalog, proizilazi:

„Najzad, Ustavni sud ukazuje kako iz odluke Evropskog suda u predmetu Sejdić i Finci nedvosmisleno proizilazi da Ustav BiH treba biti izmijenjen. S tim u svezi, Ustavni sud ukazuje kako je Evropski sud u predmetu Zornić protiv Bosne i Hercegovine istaknuo (vidi tačka 40) da: „(...) Sud naglašava da je nalaz o povredi u ovom predmetu direktna posljedica propusta vlasti tužene države da uvedu mjere kako bi se povinovale presudi u predmetu Sejdić i Finci. Propust tužene države da uvede ustavne i legislativne prijedloge kako bi okončala postojeću neusklađenost Ustava i Izbornog zakona s člankom 14, člankom 3. Protokola br. 1 i člankom 1. Protokola br. 12, ne predstavlja samo otežavajuću okolnost kada je riječ o odgovornosti države prema Konvenciji zbog postojećeg ili ranijeg stanja stvari, već također ugrožava buduću učinkovitost mehanizma Konvencije (vidi Broniowski, citiran gore, točka 193, i Greens i M. T., citiran gore, točka 111)“ (74.).

Nakon izrade Prijedloga Amandmana na Ustav Bosne i Hercegovine Komisija treba da pristupi izradi Prijedloga Zakona o izmjenama i dopunama Izbornog zakona Bosne i Hercegovine i isti uskladi sa Prijedlogom Amandmana na Ustav Bosne i Hercegovine i svim presudama Ustavnog suda Bosne i Hercegovine koje se odnose na Izborni zakon BiH.

S poštovanjem,

Alma Čolo

